

儀

禮

彙

說

儀禮彙說第八卷

金山焦以恕越江著

後漢蘇竟與振之輯錄

門人莊奕煥書銓校字

聘禮第八按賈氏云下記云久無事則聘焉故鄭處久無事而言也又下經云小聘曰問鄭序曰大問曰聘明聘大而問小也

又按賈氏云此聘禮是侯伯之卿大聘以經云五介上介奉束錦士介四人皆奉玉錦又孤卿建旒此云及竟張旒此見侯伯之卿大聘也敖氏亦云此篇主言次國大聘之禮與賈合也

君與卿圖事。鄭氏曰：圖謀也。謀聘故及可使者。賈氏曰：謀聘者爲久無事則聘也。故謂有事故也。或因聘或特行記云。若有故則卒聘。束帛加書。將命。是因聘者也。晉侯使韓穿來言汶陽之田之類。是特行者也。

使者再拜稽首辭。義疏云：案燕禮大射儀。擯者命賓賓少進禮辭。不再拜稽首而後辭者。是傳命之儀。故與此異。君不許乃退。敖氏云：君不許其辭。故不答拜。使者亦當許而後退。義疏亦云：案使者許諾而退。不再拜稽首者。辭時已拜也。此所謂一辭而許。曰禮辭也。

既圖事。戒上介。敖氏云：既圖事乃戒之者。以其不在圖事。

之數也。又使者言命。上介言戒。亦異尊卑也。凡聘使有故。則上介揖其事。

宰命司馬戒衆介節。鄭云。諸侯謂司徒爲宰。賈疏云。天子有六卿。諸侯兼官而有三卿。地官司徒兼冢宰。夏官司馬兼春官。冬官司空。兼秋官。左傳杜洩云。季孫爲司徒。叔孫爲司馬。孟孫爲司空。是也。

衆介皆逆命不辭。敖氏云。衆介受命。亦當再拜稽首。賈氏云。不辭者。是其副使之賤者。故不敢辭也。

宰書幣。賈氏曰。周官司儀職。凡諸侯之交。各稱其邦而爲之幣。以其幣爲之禮。鄭注幣。享幣也。於大國則豐。於小國

則殺是也。

命宰夫官具饔飧云。案官所具享幣。以周官約之。則玉府內府校人外府春官典瑞諸職所司。而道塗所經皆有饋積。故惟齋帛布以備行道之用。且戒不虞也。以上諸職皆宰書應出之數。宰夫徵令之也。

及期夕幣。楊氏復曰。夕幣之禮。夕陳幣以授使者。然授幣而未授圭。何也。圭聘禮之重者也。不可預授。又義疏曰。請期告期面位。略如夕幣。宰由君右命之。

官陳幣皮北首西上。節賈氏云。所奉謂享時奉入。以致命。東帛加璧以享君。元纁加琮以享夫人。鄭不言璧琮者。璧

琮不陳厥明乃授之也。又鄭謂享主用皮。或時用馬者。用皮謂有皮之國。國無皮者。乃用馬。故下云庭實。皮則珥之也。馬則北面奠幣于其前。故下展幣時云。馬則幕南北面奠幣于其前也。敖氏云。北面猶北首也。前謂左馬之前。幕之上也。

使者北面節。敖氏云。北面蓋在雉門之右。宜鄉君也。義疏圖云。經云。君出門南鄉。則位在路門之東。出者以東爲左也。使者衆介在雉門之右者。蓋入門北面。以東爲右。以西爲左。要之皆在門東也。又使者北面鄉君。而在幕南。則幕亦在東。當君位布之。其使者之少東。則以馬在幕南也。凡

朝位庭中北面皆東上。

史讀書展幣節。敖云：展謂詳視之，下經拭圭，遂執展之，足以明之矣。鄭云：展，犹校錄也。愚按：校錄，犹今之照視，非一一而詳視之也。又鄭氏謂史幕東西面讀書，必西面者，欲君與使者俱見之也。敖氏則云：史蓋幕西東面讀書，有司北面展之。愚按：卿大夫之處者，幕東西面立，而史實代之讀書，則立于大夫之南，而同面。今世凡官之照視者，代唱之人必在旁，亦其例也。敖氏之說，稍泥而未合也。

官載其幣舍于朝。敖氏曰：載謂載之於車，幣亦兼皮言也。故者用幣之車，以人推之。春秋傳曰：用幣必百兩，百兩必

千人。

厥明賓朝服釋幣于禩。賈氏云：大夫三楹，降天子諸侯不得並告，故直告禩而已。若父在則告祖，下記云：賜饗唯羹飪，筮一尸。若昭若穆者，父在則祭祖，父沒則祭禩也。

釋幣制：玄纁束節。敖氏云：既告乃釋幣，亦辟君禮。箕于几，下亦縮之，出亦祝先而主人從也。又義疏云：古者布帛幅皆二尺，有二寸。此注疏云：純三只則二尺，有四寸也。與常幅不同，不可曉。愚按：二丈之制，或爲丈八尺，則二尺四寸者，皆二尺有二寸，其例一也。

上介釋幣亦如之。義疏云：衆介不釋幣，職輕且辟大夫禮。



也賓與上介釋幣同時上介或稍先賜可也

受命節若朝服南鄉至進使者敖氏云此在朝固朝服矣必著之者嫌命賜使或當皮弁服也又賈氏云此還依展幣之位下文使者北面東上其位亦同

賈人西面坐故饋節敖氏云纁以帛爲之表元禮纁所以籍玉而又拚其上者也垂纁謂開之也開而不拚則其纁垂下文屈纁以纁拚玉之上也拚之則其纁屈

賈氏公彥又曰曲禮執玉其有藉者則祊鄭亦謂之纁則氏敬辨之曰執玉有藉無藉此直謂朝聘時圭璋璧琮琥璜皆玉也執璧琮琥璜則與帛錦纁黼同升所謂有藉有

藉則裼裼者禮亦輕尚文也執圭璋則特達所謂無藉無藉則襲襲者禮方敬尚質也裼襲繫于有藉無藉不繫于有纁無纁又纁非藉非纁藉者薦也纁者組也

宰執圭屈纁節義疏案此時宰使者皆裼不襲執玉當襲而不襲者以非正行聘故第率其常服也

受享束帛加璧節賈氏云琢圭璋璧琮以類聘此周官典瑞文又玉人文臣出聘不用君之所執無恒信躬蒲殺之文所執皆降其君一等其圭璋璧琮琢之而已又賈氏

云束帛加璧者束帛之上加以璧也加琮亦狀此二束帛卽飾之所展而官載之者至是復取而合諸璧琮以見用

之之法也。享束帛不言玄纁，文省耳。賻用圭璋，以爲信也。享用璧琮，以爲禮也。圭璋特達，以其尊而幣不足以稱之也。璧琮有加，以其降于圭璋，可以用幣，又以將其厚意也。愚按束帛，元纁于夕幣之時，已展而載之。此云束帛加纁，元纁加琮者，乃預言至彼行享始合而用之也。受命之日，不復取而合諸璧琮，可知。敖氏解之爲當，而措詞有未顯處，讀者融會其意可也。

過他國，下大夫取以八，告出許，遂受幣。鄭氏云：言遂者，明受其幣，非爲許故也。容其辭讓，不得命也。賈疏云：幣本爲行禮，非爲求許，是以容其辭讓，不受。愚按一辭而受，取亦

亦有之。然經無其文，無煩申說。

饋之以其禮。賈疏云：論語告朔之饋羊，鄭注云：牲生日饋。春秋傳云：饋，臧石牛。服氏亦云：牲生日饋。春秋傳信三十三年，鄭皇武子云：饋，牽竭矣。服氏云：腥曰饋，以其對齊時序云。雖有牲，牢饗饋。鄭云：腥曰饋，以其對生。望文爲義，故不同也。敖氏云：其饋以大牢者，牽牛以致之；少牢者，牽羊以致之。特牲則束之也，亦執其繼以致之與。

饋之以其禮節。鄭云：上賓上介牲用大牢，羣介用少牢。米皆百筭。陳子門內之西北面，米設于中庭。上賓上介致之，以束帛。羣介則牽羊焉。賈疏云：下文大夫饋賓，上賓上介

皆大牢。衆介皆少牢。又致之以束帛者。皆約下文君命卿致饗餼之禮也。李氏心傳曰。賓大牢則介不得用大牢。禮唯芻豢則無米可見。敖氏同李氏說。賓則大牢。上介則少牢。羣介則特牲也。義疏又云。此亦無束帛致之。賓介于來餼者亦無饋也。愚按鄭賈之說。言他國致餼之豐。李氏敖氏之駁注者。乃言他國致餼之不豐。二家之解不同。然所過之國大小不一。其大國宜豐。小國宜殺。禮固然也。况聘使之來。或是大國上卿。或是次國大夫。則豐殺亦宜有等。經但約略其文。二家之義亦有可以兼通者歟。

誓于其竟。節敖氏曰。春秋傳昭六年。楚公子棄疾聘。晉過

鄭禁芻牧採樵不入田不樵樹不採藝不抽屋不强囚誓曰有犯命者君子廢小人降此所誓者其類之乎賈氏曰此誓當在使次介假道復命之時上文終彼國之禮乃言之不謂此誓在士帥沒竟之後也

爲壇壝畫階帷其北無官賈氏曰案覲禮與司儀同爲壇三成官方三百步此則無外官其壇壝土爲之無成又無尺數象之而已

展幣節馬則幕南北面奠幣於其前敖氏云亦以璧會于隋乃奠之賈人告于上介節愿按鄭氏云賈人旣拭瑋琮云云則此節專指夫人之聘享而言也此蓋通上文所展

而言之至云賈人南面告上介上介東面告賓者義疏決其未必然也。

有司展羣幣以告敖氏云此皮幣蓋不陳于幕辟君禮也。愚按此說亦未知信否也。

及館展幣節敖氏云幣亦兼玉而言展之於賈人之館者展事將終故禮殺而由便也又云自入竟至此凡三展者以聘事將至而愈慎且一與主國卿大夫爲禮則不暇及之矣此所以屢展而不厭其煩也。

請行郊勞章勞者不荅拜鄭云凡爲人使不當其禮賈氏疏云聘賓亦初入大門主君拜賓辟不荅拜如此之類皆

然

受于舍門內敖氏云惟云舍門是舍但有一門此公館之異者也

賓北面聽命節敖氏云受幣蓋在庭中西下言歸饗饋之禮賓升堂北面聽命受幣于堂中西此雖受幣于庭亦當放之下經勞者從之乘皮設敖亦曰乘皮設亦宜在門內之西其於勞者之南與

乘皮設賈氏疏引齊語云齊桓公使諸侯輕其幣用麋鹿皮四張亦其證也

賓再拜稽首送幣義疏云案授受則一南面一北面乃爲



訝受也。拜則無南面拜之理。故皆北面。愚按賈氏疏云。饋饗餼賓。饋大夫賓。楹間北面投幣。大夫南面受。此賓亦宜與彼同。北面投還。北面拜送。此指賓而言。可謂明矣。不知勞者南面受。亦還北面拜也。義疏之解。得其正矣。

勞者揖皮出。乃退。鄭氏云。東面揖執皮者而出。賈疏云。執皮者在門內。當門。勞者在執皮之西。故東面揖皮。可知。敖氏云。公食大夫禮。賓北面揖。執庭實以出。然則此亦北面揖之矣。愚按此條。敖氏得之。

其實。出蒸栗。擇義疏云。擇當讀作釋。棗曰蒸栗。曰擇。文互耳。蓋皆洗淨熟之。而去其皮。詩釋之。叟叟蒸之。浮浮是也。

兼執之以進鄭氏云右手執棗左手執栗賈疏云下文賓受棗大夫二手授栗則大夫先度右手乃以左手共授栗便也又鄭注士虞禮云敬美故用右手執棗也敖氏云兼執之者左手執棗右手執栗與士虞禮曰主婦自取兩邊棗栗設于會南棗在西北面設兩邊而棗在西亦足以見其所執之左右矣愚按二說似皆可通

賓受棗大夫二手授栗鄭氏曰受授不游手慎之也賈疏初兩手俱用既授棗而不兩手共授栗則是游暇一手爲不慎矣愚按受授不游手則受者亦不游暇一手可知不腆先君之祧孔氏穎達曰凡廟曰祧故昭元年左傳云

其敢愛豐氏之祧。襄九年傳云：公冠必以先君之祧處之。是也。愚按此解實爲至當。而鄭氏之注則曰：遷主所在曰祧。諸侯五廟則祧始祖也。是亦廟也。此言祧者祧尊而庸親待賓客上尊者也。賈氏疏曰：於大祖廟受聘享以尊之。若饗食則於禴廟燕又在寢彌相親也。愚按祧之於廟蓋通言之。先君亦指始祖不必專言禴廟也。

大夫帥至於館。節鄭氏云：賓至此館主人以上卿禮致之。所以安之也。賈氏云：以上卿禮者明有束帛致之可知也。司儀云：諸公之臣相爲國客致館如初之儀。注云：如郊勞也不償耳。是也。愚按郊勞有幣而此禮但云致命賓。迎卿

不言入是不用幣故于門外致命而退也至於下文宰夫朝服設殮記云殮不致賓不拜蓋賓至授館自應設殮上卿致館則設殮在其中不須釋辭而自見也注疏謂致命兼二事言之者不免太泥而辨其爲致館而非設殮則亦未見其必然爾蓋兩說似異而實同歟

宰夫朝服設殮敖氏云徒有食而無他饌謂之殮傳曰盤殮置璧是也徒食食亦曰殮玉藻曰不食肉而殮是也二者所指雖殊義則同耳此禮用太牢且有簠簋豆鉶之屬乃云殮者主人之謙詞所以甚言其菲薄也

牲一牢在西節賈氏疏云鼎西九者謂飪鼎牛羊豕魚腊

腸胃肩解魚鮮凡九也東七者謂腥鼎無鮮魚解膾凡七也如陳饗饋者如其死牢殮之死牢與饗饋之死牢其陳同在東禮西階陪鼎三則下云脯臠醢是也

賓皮弁聘教氏云侯國君臣日朝朝服視朔乃皮弁服此用皮弁者就其君相朝之服也朝聘必用皮弁服者宜加于其朝服一等也

乃陳幣義疏云幣當陳于廟門外少西而在行塗之南故下文賓立獲西塾乃受圭也

卿爲上摺節鄭氏云主君公也則摺者五人侯伯也則摺者四人子男也則摺者三人賈氏疏云摺者人數周禮大

行人文，但天子得別諸侯尊卑以待之，諸侯卑故止據已國大小而爲擯數也。敖氏云：經但言上擯，承擯，紹擯，而不言其人數，則是諸侯之擯者三人而已。

擯者，山請事，鍾鄭云：是時主君在闕內南面，賓出次直闕西北面上，擯在闕外，問東西面。此則旅擯不傳命也。上介在賓之西北，其北爲次介，又其次爲末介。凡介皆東面，承擯在上，擯東南西面，各自次序而下。末介與末擯對，東西相去三丈六尺。上擯入，請命出南面揖，賓俱前，賓至末介之位，少北東面。上擯至末擯之位，少南西面，東西亦相去三丈六尺。止揖而請事，遂入告於公。凡此所謂旅擯，不傳

命也釋云旅陳也陳摺介不傳詞也

士

鄭氏又云天子諸侯朝覲乃命介紹傳命其儀各自受命而下上者按賈疏云上摺入受命出傳與承摺承摺傳與末摺此是上摺受命反面傳而下次末介向末摺邊受命傳與次介次介傳與上介上介傳與賓是則反面傳而上也又上介受賓命反傳而下末摺反傳而上亦如之如此三迴此可儀云諸公相爲賓交接三辭者也

請事迎賓國後據敖氏云三摺俱在門內惟上摺出西面請事時賓出次東面因其請而親對之衆介則立於東南北面而已賓親對故無所謂旅摺也及上摺入告公乃出

中門東面于大門內迎之上擯乃納賓賓介以次入賓東  
面介北面西上賓入門右與承擯絡擯北面並立又按敖  
氏云請事之辭蓋曰毋君使某請事擯者請事位則東方  
西面又經云出請事而不云入告省文也

愚按敖鄭二家之異一則擯者之人數也一則於擯之有  
無也一則三介之面位也鄭掘大行人爲五人四人三人  
之序而不詳增損在何擯請得而明之卿爲上擯則定于  
一人如五人則承擯絡擯各二人也如四人則絡擯二人  
也然敖氏依經文止于三人之說當矣此可無論焉若旅  
擯之有無者始而三擯俱在門內至請事之時承擯絡擯



隨上摺以出者爲旅摺二摺留於門內而不隨之出者是  
并無事乎旅摺也此二說俱可通卽無庸畱辨于其間也  
若三介之面位鄭賈之說曰東西相對南北陳之是三摺  
位于門東而西面三介位于門西而東面也至敖氏之說  
曰聘賓臣也故親對而不交摺其謂介立於賓之東南者  
北面西上則末介在次介之東次介在上介之東也然賓  
乃次國之卿而方其爲聘使則始雖北面繼且東面以對  
矣上介亦大夫也何以不與賓同面乎此則不若注跡之  
安也又王侯朝覲之禮交摺而傳命則鄭之所不從者與  
敖氏正同也

公皮弁迎賓節賈氏云司儀職請公相爲賓公皮弁交摺車迎拜辱出大門此迎聘賓於門內是降於待其君也公皮弁迎賓鄭云是時賓主人皆褻公迎賓卿大夫以下入廟門卽位而俟之賈氏云玉藻不文飾也不褻下行聘時執玉皆襲此未執玉正是文飾之時故皆褻也義疏云按是時公與賓皆褻經不著之者以褻乃其常服來原未襲也愚按注云卿大夫以下謂廟中贊助之人應于此時先入廟門而俟也不指三橫而言之

又敖氏云於此乃迎賓於大門內則是摺者出請事之時公猶未出中門也大門內者其在門東西面與愚按下文

賓入門左。敖亦曰賓入門左而東面。祭公至公再拜。鄭云公南面拜迎。敖云賓入門左而公乃拜之。是西面迎於入門右之處。明矣。敖之以迎賓爲西面。以入門左爲東面者。所以明再拜之當西面也。若鄭之南面拜者。則迎賓之位少北可知。是則西面拜者恭也。南面拜者倨也。禮蓋從其恭者爲宜歟。

賓入門左。鄭氏云衆介隨入北面西上。少退。擯者亦入門而右。北面東上。上擯進相君。賈疏云約下文入廟行聘享時衆介入廟隨賓入門左。北面西上也。少退不敢與賓齊也。擯者入門亦約朝君揖位。北面東上而知之也。

公揖入每門每曲揖。愚按諸侯五廟之制有賈氏之說有敖氏之說而當以朱子所述江都集禮之說爲正。學者折衷于義疏則得矣。賈氏云太祖之廟居中二昭居東二穆居西廟皆別門門外兩邊皆有南北隔牆中央通門若然祖廟以西隔牆有三則闕門亦有三東行經三門乃至太祖廟門中則相逼入門則相遠是以每門皆有曲有曲卽相揖故每曲揖也。此五廟平列隔之以牆而中通闕門也。又敖氏云諸侯五廟太祖之廟最東高祖而下之廟以次而西廟各有大門有中門有廟門中門外西邊皆有南北隔牆牆中央通闕門故入諸侯之廟必有每門也。此亦五

廟平列從東而西每廟各有三門而中通閤門也至江都  
集禮則云古者宗廟之制外爲都官內各有寢廟別有門  
垣太祖在北左昭右穆以次而南與賈氏之說亦不同義  
疏曰賈氏昭東穆西而太祖居中近之矣然諸廟平列而  
無南北上下之殊揆之禮意亦未爲得七廟五廟之說惟  
朱子用孫毓之說爲可從中庸達孝章或問詳言之矣然  
此有每門每曲者何也八大門北行折而東入廟必有西  
鄉之門爲廟與朝之限此卽謂之閤門也旣入閤門則當  
有南鄉都官之門又一門也都官內左昭右穆其廟門之  
外或亦各有閤門東西相鄉與每曲則士冠禮見之但此

五廟者，曲彌多耳。

每門每曲揖。賈氏云：諸侯三門，舉應路，則應門爲中門，左宗廟，右社稷。入大門東行，卽至廟門，其間得有每門云云。敖氏云：諸侯三門，庫雉路，則庫門爲大門，左宗廟，右社稷。入大門東行而至廟，此每門指闕門與廟門而言也。義疏云：諸侯三門，注疏與敖氏不同，蓋侯國三門則同而名或有異，有此則缺彼，敖氏依魯言之，差若可據。愚按魯爲宗國，制與諸國多有不同，則三門之名各出者，有之矣。公揖入，凡君與賓入門，賓必後君，介及摯隨之，並而雁行。旣入，則或左或右，相去如初。玉藻云：君入門，介拂闕，大夫

中根與闕之間士介拂楬此謂兩君相見也又云賓入不  
中門不履闕又公事自闕西按此賓謂聘啣也門中者門  
之正也賓不敢與君並由其中敬也介與摛者皆雁行卑  
不踰尊亦敬也賓之介猶主之摛也楬爾雅謂之椽門兩  
傍木也蓋上橫上介俱拂闕不踰尊者之迹士以大夫爲  
尊大夫以上介爲尊上介以君爲尊皆卑不踰尊也已上  
鄭賈注疏之說

義疏迎賓入廟圖云公迎賓再拜卽云公揖入每曲揖蓋  
入大門北行折而東至廟必有垣以隔之垣有門是則所  
謂闕門也此入大門折而東則當有闕門折而北則當有

都官門入門或北或東或西以至於受聘之廟又有闕門  
廟門所謂每門每曲者如此又擯介從行位經無明文據  
玉藻賓則入不中門由闕西其介隨行亦應雁行上介在  
賓後與賓共拂闕次介少退末介又西少退也

及廟門節賈氏疏云注謂上擯亦隨公入者下文擯者出  
請命更不見上擯別入之文明隨公入也又少進於士者  
公食禮云士立于門東北面西上知此亦然以擯者是卿  
又相君故知進於士也義疏云公入則三擯皆入矣不僮  
上擯也下經云負東塾是其位擯位蓋在士位之東士西  
上而擯東上明其不相統也愚按鄭云上擯在門東東上



東上之文則承檝絡檝列于上檝之西可知也。

賓立接西塾敖氏云接西塾者在其南而東面也介立於其西南東面北上義疏云賓介雁行而入同面未改也幣在行塗之南賈人東面鄉之介立于賈人之北與賓同東面宜也按鄭氏云介在幣南北面西上賈疏云上入竟展幣賓西面介北面今此陳幣賓在門西北面明介統于賓也愚按朝門外賓介位及廟門外賓介位二者不可以異同也今主鄭賈則朝門外賓之始至北面繼則檝出請而俱前乃東面以對介與檝東西相對亦東面廟門外賓接西塾北面介在幣南亦北面二者大同而小異也若主敖

氏則朝門外賓始終東面介皆北面西上此廟門外賓接  
西塾東面介立于其西南少退者亦東面而北上是則朝  
門賓介已不同面而廟門與朝門又互異也

几筵既設賈氏云下記云唯大聘有几筵對小聘无几筵  
又鄭氏賓至廟門司官乃於依前設之席西上周官諸侯  
祭祀席蒲筵績純右彫几敖氏曰注似脫加莞席紛純五  
字疏曰按爾雅牖戶之間謂之屨蓋天子諸侯皆設几筵  
于屨尊神明而依之也

賈人東面義疏云下言上介不襲則賈人不襲可知凡入  
公門者皆褻也

上介不襲執圭屈纒授賓鄭氏曰上介北面受圭進西面  
授賓賈疏云賓東面故上介西面授賓也又敖氏云授賓  
東面於其右義疏云此並受也不訝受者以其非正行禮  
也二家同異辨之見後

今按敖氏於上文賓立接西塾云在其南而東面也介立  
於其西南東面北上至上介受圭于賈人而授賓則曰東  
面於其右同面故並受也又按鄭賈於上文賓立接西塾  
賓北面介在幣南北面西上如展幣例且介繞于賓故回  
北面也至賈人坐授圭上介執以授賓則曰上介北面受  
圭進西面授賓時賓還東面故上介西面授者爲訝受也

考上文展幣之位正爲今此陳幣而先之則宜無所異又朝門之位與今此廟門之位輕重正同則亦宜無所異且據禮言之則北面者臣禮也東面者賓禮也其始至則北面而繼則還而東面者權禮之宜也是以朝門之外擯介東西對而東面者旅擯禮也賓西面而介北面者展幣禮也介在幣南北面統于賓之擯西塾者陳幣禮也賈人東面坐授而上介北面受者由便也賓東面故介西面授者訝受也此鄭賈之說近乎正也乃若敖氏之說則賓之東面始終以賓禮自處獨朝門之外不用旅擯而介守北面之文似乎與禮疎矣要之經之不言面位者或用臣禮北

面或用賓禮東面則通變不倦疑亦隨時可以制宜歟  
賓襲執圭按李氏如圭曰襲者禮方敬尚質禘者禮差輕  
尚文又孔氏頴達曰使臣行聘主于敬不主于文聘享相  
對聘質而享文文質相變故禘襲不同也

介皆入門左賈氏曰司儀職云諸公之臣相爲國客及將  
幣每門止一相及廟惟君相入客臣也相不入矣此介皆  
入不同者鄭彼注云絕行在後耳非竟不入廟也又君相  
入者謂前相君禮須入故言之臣相不前相禮故不言入  
其實皆入與此同也

三揖敖氏於賓入門左而揖三分庭一在南而揖又皆行

至三分庭一在北而揖是三揖也賓至西方之中庭公乃與之偕行愚按此條亦見士冠諸篇辨析亦同前文

賓升西楹西東面敖氏云西楹西言其東西節也當在楹西少北下公當相再拜敖氏云左還乃當相則公鄉者亦當東楹少北矣以此見賓立之處必不正在楹西也愚按此說是也正當楹西則不鄉君而君亦不鄉賓矣爲楹所隔故也

擯者退中庭敖氏曰至是而退立于中庭則是歸者從公而立於階下矣凡公與賓爲禮擯者皆贊之

擯者進義疏云擯者進爲公相禮或釋辭但在堂下而不

升堂所謂卿接由下也。

賓三退負序。鄭氏曰：不言辟者，以執圭將進投之，據司儀職云：諸公之臣相爲國客，及將幣客登拜客三辟投幣。注云：三辟退負序也。義疏云：此云三退，卽用官三辟也。鄭氏殊之者，不免於支。

賓三退負序。愚按：三辟負序，鄭賈以爲有異，或當還而爲辟，不還而爲退，則二者不同矣。俟再考之。

公側襲受玉。敖氏云：凡堂上授受幣幣之禮，敵者則在兩楹之間，主人隸則於東，賓尊則於西，又皆以遠近爲差。此聘君於主君，其尊同，聘君之命宜降于主君一等，故使者

就主君於東楹之間而授玉也。

公側授宰玉。敖氏曰：授玉于上，公尊也；下放此，公受玉時亦垂纁宰既受之則屈纁矣。

褊降立。鄭氏曰：寒暑之服，冬則裘，夏則葛。凡袒褊者，左。賈疏云：吉凶皆袒左。士喪禮，主人左袒，檀弓：吳季扎左袒右還其封，大射亦左袒是也。敖氏曰：褊者，偏免上衣而見褊衣也。朝祭之衣以褊爲常，故當盛禮則襲以爲敬，而盛禮畢則褊而復其常也。凡褊衣不必與上衣同色。

義疏云：以裘言之，裘上有褊衣，褊衣上有襲衣，襲衣卽朝服，皮弁服冕服之等，所謂上服也。裘外必備此二衣而褊



衣比之袷衣爲華觀於錦衣玄緇衣絞衣者足以微之矣  
玉藻羔裘豹飾緇衣以褻之狐裘黃衣以褻之此褻衣與  
裘同色者也君衣狐白裘錦衣以褻之君子狐青裘豹裘  
玄緇衣以褻之麻裘青豸裘絞衣以褻之此褻衣與裘不  
必同色者也

義疏又云古人禮服皆直領而對襟唯當胸左右各餘一  
寸以爲衿衽則以左掩右掩之則襲也開而摺于左露其  
褻衣則褻矣故一褻二襲可以俄頃爲之也褻衣蓋亦對  
襟者衣襲則毛之文采間露于當胸之間與褻衣同爲見  
美若不衣襲則但以褻衣爲美而不及其裡矣賈氏所云

中衣者卽指襦衣言之。或言襦襲祇以襲言之而葛無此然則當夏月而聘將廢襦襲之儀乎。或有言襦衣上加深衣曰襲不加深衣曰襦無論白布之衣不可以爲國君與卿之聘服卽其衣之外必有二帶。又有韎韐繫焉受玉授玉。俄頃之間又無贊之者其何以旋服而旋說邪。

賈氏曰凡服四時不同。假令冬有裘襯身禪衫有襦襦上有裘裘上有襦衣襦衣之上。又有上服皮弁祭服之等。若夏以絺綌絺綌之上有中衣中衣之上復有上服皮弁祭服之等。若春秋二時則衣袷褶袷褶之上加以中衣中衣之上加上服也。

又賈氏疏曰諸侯與其臣視朔與行聘皆服麋裘但君則  
麋裘還用麋裘臣不敢純則因青紵裘其裼衣君臣同素  
衣聘時則主君素衣惟臣用絞衣也丹陽姜氏曰據此則  
論語素衣麋裘不得指孔子矣。

庭實皮則攝之節鄭氏曰攝之者右手并執前足左手并  
執後足下文皮如入右首而東鄭曰皮右首者變於生也  
敖氏右首之右當作左義疏曰案執皮者左在前則皮亦  
當左首不當右首矣敖謂士昏禮皮左首此亦宜然字誤  
作右者得之愚按禮之不同者多矣昏禮左首聘禮右首  
姑從經文釋之而不改其字所以爲慎也至賈疏所引多

云左首者如羔雉之屬未必與皮一例耳

士受皮者自後右客。敖氏曰：受者自後右客，則客既授亦自後而出，皆與受馬之儀相變也。鄭氏則曰：執皮者既授亦自前西而出。賈疏云：此約下私覲時牽馬者自前西鄉出，相類故云亦也。愚按二說未知孰是。

若有言節，鄭氏曰：春秋臧孫辰告糴于齊，公子遂如楚，乞師，晉侯使韓穿來言汶陽之田，皆是也。敖氏曰：若有言因聘以遠之，故卒聘而後行此禮。如秦伯使西乞術來聘，且言將伐晉之類，思按二家所引蓋與此經皆合義疏以西乞術事爲得之，而魯晉之事則所謂特行而非因聘有言

者又加細焉兩存其說可也。

賓奉束錦節鄭氏曰卿將公事於是欲交其歡敬也賈疏  
公事謂聘享也此行私禮爲交歡敬。

擯者入告節敖氏曰辭欲其後之也賓既將公事主人宜  
先盡其待賓之禮賓乃可行其私事也不辭其覲者已受  
其君禮則不必辭其臣禮也。

請禮賓節敖氏云請禮之禮當作醴字之誤是禮主于醴  
故雖用幣猶以醴名之愚按冠禮昏禮俱作醴賓此或當  
然但不改經之舊文而作禮賓亦自可通。

宰夫徹几節敖氏云徹几筵入于房而改設賓席也公食

大夫記宰夫筵出自東房

徹几改筵節楊氏復曰徹几改筵所以禮賓席當室前之  
中賓席在牖前士冠禮醴子筵于戶西士昏禮醴婦席于  
戶牖間鄉飲禮席于牖前鄉射禮賓席在戶牖之間周官  
筵國賓于牖前其名不同皆不越于此位也

公出迎賓以入節案前及廟門公揖入立于中庭此則公  
迎賓偕入故揖處不盡同乃云如初者見其亦三揖耳此  
敖與義疏之說

奉兩端以進敖氏云進進於序端南面以授公

北面設几節敖氏云公一拜而賓荅再拜稽首者公尊乃

先拜而送几。故賓當以此答之。不降者辟盛禮也。此醴賓之禮。以用幣之時爲盛義。疏云。案醴賓以賓之受幣爲成禮。故下經送幣公再拜。注云。事畢成禮也。此設几禮之始。未盛故公一拜送賓。亦不降。但于堂上再拜稽首而已。宰夫實醴。節李氏如圭曰。柶之大端爲葉。小端爲枋。面前也。凡主人授賓醴者。皆面枋。賓迎受之。背面葉。冠禮贊者酌醴以授主人。主人迎受。故贊者面葉。主人受之。得面枋。此宰夫實醴。公不迎受。故宰夫面枋。公受之。亦面枋也。賓不降。壺拜節。敖氏曰。壺拜亦受醴之通禮。必著之者。嫌賓拜當再拜稽首也。授几授醴。其禮均。而賓之拜不同者。

彼荅公拜此則先拜不無輕重也

降筵北面節敖氏曰以柶兼請解以右手執柶并執解也  
賈氏曰左手執解右手以柶祭醴茲降筵北面以柶兼於  
解兩手奉之愚按二說不同似皆可通

升再拜稽首節敖氏曰當東極當其北也其南北亦中堂  
受幣當東極其視爲君將幣者又過東矣

公壹拜賓降也節敖氏曰公一拜而賓卽降不敢安受尊  
者之拜因辟之而遂降也賓已降而公猶再拜者送幣之  
禮當然宜終之也此皆所以相尊敬也

賓執左馬以出鄭氏云效馬者并左右勒授之愚按牽馬



人之禮如是而賓則但執左馬而出

上介受賓幣節義疏云按賓出則從者先逆出每節皆然此亦然及賓入乃從之而入

賓覲奉束錦節賈疏云贊者二人各居兩馬間各用左右手手扣一匹也愚按禮節圖總乘馬者四馬並而入贊者隨賓而左右並入也所爲各居兩馬間者如此

擯者坐取幣出節鄭氏云贊者有司受馬乃出賈疏贊者待有司受馬乃出以幣可奠之於地馬不可散放也

擯者請受義疏云請受之節士昏禮婿見妻之父亦然此聘賓異國之臣故因敬其主以及其使也

振幣進授節李氏如圭曰禮賓賓覲受幣皆當東楹臣禮也春秋傳鄭伯如晉拜成授玉於東楹之東士貞伯以爲視流而行速不安其位凡敵者授受當於兩楹間也

士受馬者節賈疏云此庭實之馬四匹在庭北面西上牽者四人各在馬西右手執馬而立士受馬從東方來由馬前還遶牽馬者之後人東馬西而受之牽馬者因前行而出授由其右受由其左今受馬者不自左而由其右受使牽馬者自前而去爲便上受享庭實之皮受皮者自後右客此由馬前者馬是生物恐驚之故由前是變於受皮也

賓降階東拜送。敖氏曰：拜於西階東，別于已君也。凡臣於異國之君，其拜下者皆不當階拜。手階下者，已臣也。拜君命亦然。義疏：案公食大夫賓，荅公拜至降拜于西階東，與此同。

栗階升，公西鄉，節。愚按：唐禮樂志：每稱再拜，又再拜，是唐代禮繁，倍于成周。故始而再拜，復起再拜，則禮成也。今此階東之拜，禮宜再拜稽首，方一拜，而君降一等以辭，擯者詔之以起，則不成再拜之儀，是以更升而成拜也。義疏云：案公食大夫賓，荅公拜至降拜于西階東，擯者辭。栗階升，不拜命之而後成拜，是則先已成拜于下矣，與此異也。

公側授宰幣馬出敖氏云馬出而皮入亦相變也愚按敖氏往往以禮貴相變為詞而此釋受馬亦主相變乃令人失笑也皮則宜入馬豈可入耶

介請覲章擯者入告出許節義疏云賓介私覲之幣物皆公家共之非卿大夫所自備也夏官校人職於國之使者共其幣馬足以見之

擯者執上幣節鄭氏曰擯者先卽西面位請之釋辭之時衆執幣者隨立門中而俟賈疏下經云委皮南面執幣者西面則當請時立于門中可知義疏云出請受亦題下事也此時未釋辭

委皮南面鄭云委皮當門又云南面使其復入也敖氏云  
執皮者從上擯出門不俟上擯之釋詞卽委皮而退執衆  
幣者于是由皮東而進委皮不于東塾南辟執衆幣者且  
變于馬也義疏云南面謂執皮者也蓋立于門外南面乃  
委皮焉

介禮辭聽命節鄭云此言皆訝受者嫌擯者一一授之賈  
疏明不一一授同時訝受可知也

上介奉幣皮先節義疏云案皮先入而奠之亦庭實設之  
意也所謂客禮也賈疏云享時庭實使人執之昏禮庭實  
亦使人執之不奠于地以其得親授主人有司此奠之不

敢授故下二人坐舉皮

公再拜敖氏云公拜蓋西面也下於此

介振幣自皮西進節義疏云復位復歸所立之揖位也介北面而拜于此猶賓之北面拜於西階上也鄭以介北行僅參分庭一而即東行敖氏以爲北行將至中庭始東行與公西面相當及公左而北而授公南面訝受之敖說似密愚按鄭說皮西進北行旋折而東又折而北行至君所是多一折也不如敖說之徑捷矣

介出宰自公左受幣賈氏云不云側者當有贊者於公受轉授宰敖氏云經文自公左則受之于公可知愚按敖說

有禮須自  
當矣。

士介入門右奠幣節敖氏曰不敢以客禮見者以曷者惟上介聽命故也此與初禮同乃復爲之者以既受幣復入則禮更端也。

禮請受賓固辭鄭氏曰固衍字當如面大夫也敖氏曰固者決不從命之稱一辭而得遂亦可謂之固記放此義疏曰擯者請于士介士介辭之恐不得命而賓又代辭之則亦可謂之固辭矣愚按三說不同義疏爲正。

公荅再拜節敖氏云公是時拜于東方之中庭而介位在門外之西則擯者相拜宜西北面也司儀云凡行人之儀

不朝不久不正其主面亦不背客謂此類也愚按教說精矣而稍近于拘

賓出公送章損者出請節義疏云按此時賓介及士介皆在廟門外更不須介逆出而賓從之也賓負西塾東面介在其西南亦東面此廟門外之位也公出則賓左還南面介亦左還南面立于賓東公至揖賓賓介乃轉西面行三擯從公雁行而出如入時其行公在左賓在右按教氏曰賓既告事畢衆介亦逆出而賓從之義疏辨其非是云及大門內公問君節放氏曰及大門內則賓東面公西面而問之周官云客再拜對與此微異



公勞賓節鄭氏曰勞賓曰道路悠遠客甚勞勞介則曰二  
三子甚勞按問勞之詞在秋官司儀注內今採于此

賓出公再拜送節凡去者不答拜主人拜送賓賓皆不顧  
繼不具見之此著之者明于尊者之禮如此也此敖氏之  
說

賓請有事節義疏云有事于大夫而必請于公者以已君  
之命不可不令主國之君知之也

勞上介節鄭氏云不言卿卿與大夫同執雁下見於國君  
也周官掌客凡諸侯之卿見朝君皆執羔是也義疏云卿  
執羔大夫執雁用費之常也彼有卿有大夫吾亦有卿有

大夫若區別之則卿當執羔以之上介是以尊臨之也不然則用尊無執贄見卑之義是無所執也二者均不安故不論賓介之爲卿大夫與已國中之若卿若大夫而皆概之以雁固變于相見亦以卿卽在大夫中則卿可用大夫禮也此勞禮主國之下大夫使不至者蓋不與焉。

君使卿韋弁節敖氏曰韋弁卽爵弁也其服純衣纁裳韎韐纁屨義疏云士冠禮爵弁在皮弁之上。一等聘禮韋弁在皮弁之上。一等此陳氏祥道所以謂爵弁卽韋弁而敖氏從之也竊意爵弁韋弁等第旣同其純衣纁裳韎韐纁屨或亦不異而首服容有二焉以之爲士助祭之服則爵

弁廟中宜用絲也。以之爲卿大夫接賓之服。則章弁以其  
與皮弁類也。愚按義疏之說。蓋得之。若鄭氏以韎韍之弁  
兵服也。而入廟之服。不可純如兵服。故云韎布爲衣而素  
裳者。此臆說無據。其不然乎。

饗義疏云。饗亦對殯而言。殯薄則饗爲盛。臚矣。

歸饗饋章。陪鼎當內廉東面北上。上當碑南陳。鄭氏曰。官  
必有碑。所以識日景別陰陽也。其材官廟以石。賈疏曰。觀  
碑景邪正。以知日之早晚。又觀碑景南北長短。十一月日  
南至。於南北最長。陰盛也。五月日北至。景南北最短。陽盛  
也。一至之間。景之盈縮。陰陽進退可知也。敖氏曰。古者官

庭有碑，蓋居其庭東西南北之中，所以識深淺也。義疏曰：敖氏以碑爲在庭東西南北之中，前人未有發此者。統全經觀之，乃見其言可以徵信而不誣也。說見下文。愚按：設碑之處，鄭氏以爲近如堂深，賈疏謂堂深猶若設洗南北以堂深若然，則東當洗矣。義疏謂如鄭說，蓋碑在三分庭之北。云敖氏則云碑在庭東西南北之中，而醴醴百糝夾碑其上，列當少北于鼎。義疏建之故云。設之以麗牲，祝日景亦爲陳設進退之節，故以適中爲宜。若過北則嫌促迫，不便于射牲。過南則恐日極南時爲日昃所不到。然考之歸夾餼于賓館，則醴醴百糝夾碑十列，又米百官設于中。

庭亦十列，繼醴醢而南，此碑居庭北之一，又還玉及脯。禮章經云：賓自碑內，聽命賓，負碑北面，聽命于下。如碑在中庭而非庭北，則疑立處太遠。又大夫降中庭，賓降自碑內，東面授，介于阼階，東兩言碑內，皆近堂階，而與中庭有別之證。若敖氏以南北之中，視日晷，乃可以別陰陽者，其說穿鑿而無當也。愚于此不能無疑，究當以鄭說爲是云。

堂上八豆，節賈氏曰：東上醢醢醢，西昌本昌本西麋麋，麋麋西菁菹菁菹，北鹿麋鹿麋，東葵菹葵菹，東蜩醢蜩醢，東韭菹，知是八豆者，天官醢人職朝事之豆八，韭菹醢醢。

昌本麋齏菁菹鹿齏茆菹麋齏餼食之豆葵菹羸醢此經  
直云韭菹醢醢屈知此昌本以下六豆者案公食下大夫  
六豆韭菹醢醢昌本麋齏菁菹鹿齏又上大夫六豆鄭注  
加葵菹蝸醢以充八豆若然朝事八豆有茆菹麋齏不取  
而取饋食葵菹蝸醢者案少牢正祭用韭菹醢醢葵菹蝸  
醢朝事饋食之豆兼用之明此賓上大夫亦兼用朝事饋  
食之豆可知愚按此說宜並存之。

六鉶繼之節賈氏通論曰案此文上下解屈錯各別士喪  
禮陳衣于房中南領西上緹注云緹猶屈也似不別者屈  
者句而屈陳之緹者直屈陳之不爲句錯者間錯而陳之

句曲而緝此文是也公食大夫云宰夫設黍稷六簋于俎西二以並東北上黍當牛俎其西稷錯以終南陳是錯也八壺設于西序節敖氏云八壺之酒稻也黍也粱也稻黍各二壺稻在北黍次之粱四壺又次之蓋如設筯米之例也鄭氏曰其酒蓋稻酒粱酒賈疏云鄭知不直有稻黍而爲稻粱者稻粱是加相對之物故也義疏則云八壺二種則可以錯三種故無錯陳之法不錯亦變于簋簠也愚按上說宜兩存

西夾六豆節敖氏云堂上之饌皆屬飪牢西夾之饌屬腥牢東夾之饌亦屬腥牢腥鼎皆西面北上故東西夾室之

饌皆西北上。飪鼎東面北上。故堂上之饌東北上。各順之也。愚按飪牢已熟。賓可以卽用也。腥牢未熟。賓宜熟而後用也。其尊卑之次實先後之宜耳。又賈氏云。六豆者。先設韭菹。其東醢醢。又其東昌本。南麋。麇。麇。麇。西菁菹。又西鹿。麇。此陳還取朝事之豆。愚按此與公食下大夫正同。則無可疑也。

饌于東方亦如之節。敖氏曰。東方東夾東墻下。西北上。言韭菹亦在饌之西北也。李氏如圭曰。雖陳于東墻下。其陳亦以西北爲上。悉與西夾同。嫌統于東墻以東北爲上。故著之。



傳禮通考 卷八  
醴醢百壽節賈氏餘論曰士喪禮下鄭注云壽瓦器其容  
蓋一斛旌人職筮實一斛又云豆實三而成斛四升曰豆  
則甕與簋同受斗二升也

米百筮節敖氏曰此米從餼者也餼陳于內故米宜從之  
凡米以黍爲上稷爲下于此見之矣食則以黍爲上稻爲  
下酒則稻爲上粱爲下而不用稷蓋稷不可以爲酒故也  
門外米三十車節賈氏曰下記云十斗曰斛十六斗曰簋  
十簋曰秉若然一秉十六斛又有五簋爲八斛總二十四  
斛也又下記云四秉曰筥十筥曰稷十稷曰秬四百秉爲  
一秬三四十二爲千二百秉也敖氏曰經凡言某陳者皆

謂其下鄉之也。言東陳是西轅也。西陳者反是云。爲三列者。每列皆南北爲之。前列在西。後二列以次而東也。禾列則先東而後西。

薪芻倍禾。鄭氏曰。四者之車皆陳北。軌義疏云。東陳者西鄉。西陳者東鄉。轅皆在內。如注說。則是南陳而非東西陳矣。薪在米之東。芻在禾之西。稍離之。亦如米禾陳法。而三列倍爲六列耳。四者之車皆人軌者。非駕牛馬者也。

揖入及廟門。賓揖入。敖氏云。及廟門。大夫立。接西塾。賓揖而先入。俟之于入門右之位。旣則上介出請事矣。義疏云。門內卽入門右之位。所云揖位也。入門而右。又稍北。乃西

鄉而俟賓也

大夫奉束帛八節義疏云此三揖與公醴賓同與正行聘禮者異

至于階讓節鄭氏曰讓不言三不成三也賈疏賓二讓大夫卽升無三辭卽不成三也周官司儀職諸公之臣相爲國客大夫郊勞三讓登聽命周官舉其大率而言此儀禮据屈曲行事故注不從古文也敖氏曰此三讓者大夫也大夫三讓而賓三辭義疏是之愚按兩說皆通然經每言一揖一讓升此則上文三揖皆行恐是三讓也

大夫東面致命節義疏云賓館于此故升降由阼階此降

階西與前賓覲賓降階東一也西階下則拜于東阼階下則拜于西

出迎大夫節恩按前此大夫奉君命則尊此受饋乃私事也故復其常禮而賓先讓升

明日賓拜于朝節賈氏曰言拜于朝無入門之文諸侯外朝在大門外也敖氏曰周官掌訝職凡賓客之治令訝聽之侯國亦當然也

歸上介饗餼章上介韋弁以受鄭氏曰介不皮弁者以其受大禮似賓不敢純如賓也敖氏曰最者皮弁以聘者上賓也故上介于此不必皮弁以無加服之嫌故爾義疏謂

三解兼之其義始備

士介四人皆餽大牢節義疏云凡吉禮陳于門外者皆東上，有對則或西上耳。注謂牢西上非也。

士介朝服北面再拜稽首受。鄭氏云於牢東拜，自牢後適宰夫右受，由前東面受。從者賈氏云明在宰夫東南，從牢後適宰夫至，宰夫之後受取牛也。又由宰夫之前東面受。從者義疏云馬之踈踈在後，故由前，辟其後也。牛之抵觸在前，故由後，辟其前也。此君使士受私覲之馬，與此異也。問卿章卿受于祖廟，賈氏曰卿受而不辭，以前賓請有事于大夫，君禮辭許，是以不敢辭。故記云大夫不敢辭。

擯者出請事節義疏云如朱子所云廟制則太祖在北一  
昭一穆分列于南而外爲都宮則入大門轉而東行當有  
一閣門又當有都宮之門其昭廟穆廟之旁各有閣門則  
每門皆揖也。

大夫降授老僮敖氏曰大夫於是進立于中庭西面

無僮鄭氏解之爲辟君敖氏曰臣之僮雖殺于主君之體  
而束帛庭實則同故不用之聘賓有饋禮者不在國則無  
嫌也。

賓面如覲幣敖氏曰聘使私見于主君曰覲大夫曰面蓋  
異其稱以別尊卑也然周官以私覲爲私面則又通而言

之。愚按左傳楚公子棄疾以乘馬私面鄭伯亦同此稱  
庭實設揖讓如初敖氏曰如初謂三揖三讓也賓亦三辭  
賈疏賓初入門右大夫階下辭賓賓遂門左大夫至庭中  
迎賓大夫迴旋與賓揖而並行北而首如初者大夫不出  
門唯有庭中一揖至碑又揖再揖而已愚按二說姑並存  
之。

愚按賓問卿與私面則衆介皆從今上介特面則士介不  
從其貶損者一也賓私面入門右大夫卽辭賓亦不果奠  
幣今上介入門右既奠幣再拜大夫乃辭其貶損者二也  
賓當摺再拜送幣今上介降拜大夫降辭而後介升再拜

送幣其貶損者三也唯授受亦於堂上楹間則賓與上介同以其同爲大夫也

上介私而之擯者出請事節鄭云主國君尊衆介始覲不自別也上賓則衆介皆從之義疏實於卿先問而後面上介有而無問則特特者一人而衆介不從

又庭實設介奉幣入節愚按私覲注疏云奠幣再拜以臣禮見也庭實先設乃奉幣入是客禮也此章始則大夫辭擯者反幣上介受之不禮辭者是主人不敢當臣禮故也繼則庭實設介奉幣入者是客禮也詳見前篇

衆介私而之大夫答再拜節敖氏云此士介私面之儀大



約與其親禮同惟以一人而大夫親辭爲異老受摺者幣于中庭者以大夫降立於此故也

代受問之大夫若不見節義疏案不見謂疾病或有喪或奉使在外者云各則問與面之禮兩有之矣代受而不代拜可見凡禮皆無代拜者也

夫人歸禮之夕夫人使下大夫節敖氏曰次日之夕夫人乃歸禮不惟不敢與君同日又且不敢同其時皆下之也使下大夫者亦下君或亦辟其於朝君之禮也

夫人歸禮之堂上籩豆六設戶東籩鄭云其設脯其南醢屈六籩六豆敖氏云凡設籩豆自二以上皆先豆而後籩

乃言籩豆者文順耳此六豆六籩皆宜用朝事者而各去其末之二其設之之序則豆皆在西籩繼而東也愚按上經君歸饗餼云堂上八豆韭菹其南醢醢屈屈猶錯也賈疏云韭菹其南醢醢屈者謂其東上醢醢醢醢西昌本昌本西麋麋麋麋西菁菹菁菹北鹿麇鹿麇東葵菹葵菹東蝸醢蝸醢東韭菹是爲八也又按公食大夫禮宰夫自東房薦豆六設于醬東西上韭菹以東醢醢昌本昌本南麋麇以西菁菹鹿麇是爲六也較醢人朝享豆八依此爲次而用其六無葵菹麇醢之二豆敖氏依此爲說諒無悞矣但愚又考君歸饗餼經云韭菹其南醢醢屈亦省文不全

故此禮鄭氏放此而云其設脯者謂六籩設之於北其南  
醢者謂醢醢以下之六豆以次相間交屈而設蓋舉其一  
端以概全文非直謂一脯一醢可知則鄭之與敖大畧相  
同但敖謂豆皆在西籩繼而東非相間交錯則異于鄭矣  
經云籩豆六之三字鄭得之而敖失之非無証矣

壺設于東序北上節鄭氏曰醢白酒也凡酒稻爲上黍次  
之粱次之皆有清白以黍間清白者互相備明三酒六壺  
也先言醢白酒尊先設之賈疏曰稻黍粱蓋據內則三醢  
之次言之又上言白者明黍粱皆有白也下言清明稻粱  
亦有清故也於清白中言黍明醢卽是稻清卽是粱也愚

按鄭賈之說經言簡而義該經文省字之法了然矣。

夫人歸禮之壺設于東序節鄭云醜白酒也凡酒稻爲上黍次之粱次之皆有清白以黍間清白者互相備。

上介四豆節敖氏云夫人歸禮不及士介者以其禮薄不可得而復殺且君於士介已無堂上之僕故也。

大夫餼賓介之大牢米八筐節敖云君餼賓米百筐宮半斛此米八筐筐五斛以量言之則八筐者殺于君米二筐也下節衆介米六筐者黍粱稷各二筐遞而減二筐也。

饗食燕羞獻之燕與羞俶獻節葉氏夢得云饗所以訓恭儉也故至於再燕與時賜以示慈惠也故無數敖氏云羞

者禽若周官亦謂之禽獻見庖人職

上介登食壹饗鄭云饗賓介爲介從饗獻矣復時饗之客之也賈疏公食禮介雖從入不從食賓食畢介逆出是也知從饗者下記云大夫來使饗之其介爲介故知介從饗放氏曰賓介皆明日拜于朝宜在此句之下愚按先言賓介拜賜者重在賓也次言上介食饗文亦自明非次之疑知不然耳

大夫饗食之若不親饗節鄭云大夫有故君必使其同爵者爲之致之列國賓來榮辱之事君臣同之

還玉之大夫升自西階鉤楹節愚按還玉之禮兩國不容

低昂主國大夫入堂深而東行下文賓升自西階自左南  
而受圭亦鉤楹由主國大夫之後乃自左受之二人俱代  
君行禮故南面並受無北面禮也。

賓禘迎大夫節敖氏禘者已受聘玉則復其常也大夫於  
賓禘亦禘上介出請入告乃迎之。

公館賓之賓辟節敖氏不敢辭不敢見若隱辟然故云辟  
此主君子聘享及夫人之聘享問大夫其拜皆爲拜君命  
之孱賓出受之可也乃辟者其爲有拜送之禮與。

公辭賓退節敖云辭者謂婦已拜今無事矣。

使下大夫贈上介節敖云於上介用束帛於衆介各用束

帛上介之庭實如賓。

大夫親贈節。敖云此所贈者皆用錦也。賓與上介之庭實亦同。大夫親贈賓上介而使人贈衆介以其降等也。亦爲鄉者不親受。

歸反命之使者歸及郊節。鄭曰告郊人使請反命于君必請之者以已久在外。嫌有罪惡不可以入。敖曰不敢徑入恭也。請反命其亦使次介與。愚按二說不同。假使出聘之。大臣與國君本有猜嫌。或本無猜嫌而在外日久以致謗。書盈篋流言日聞。此等之事非明盛之朝所有。而叔末衰晚。未保必無。譬如覲禮諸侯至天子之庭。先之以肉袒。豈

必果有過愆而行此禮與鄭之此條亦防其流幣之所極耳禮之慎微杜漸無所不至者如此

朝服載旌節敖云明朝服者反命則執玉嫌當如聘服也乃入陳幣于朝節鄭云皆否者公幣私幣皆不陳其禮于君者不陳疎謂賄用束帛禮用束帛象皮之類是也賈氏曰賓之公幣則主君郊勞幣也隨賓幣也致饗餼幣也夫人歸禮幣也食侑幣也饗酬幣也再饗酬幣也郊贈幣也賓之私幣則主國三卿皆一食有侑幣饗有酬幣又皆有郊贈幣也其上介公幣則致饗餼幣也夫人致禮幣也食侑幣也饗酬幣也郊贈幣也其私幣則主國三卿或饗或



食要有其一。則各有幣焉。又三卿皆有郊贈幣。如其面幣也。義疏云。禮于君者不陳。以使者將親執以告故也。

束帛各加其庭實皮左。按此禮見於經者。凡三。夕幣也。展幣也。反命陳幣也。夕幣云。皮北首西上。加其奉于左皮上。展幣云。陳皮北首西上。又拭璧展之。會諸其幣加于左皮上。此反命陳幣云。束帛各加其庭實皮左。西爲上者。皮上左也。則三處並全可知。此之不言加皮者。有皮之國用皮。無皮之國用馬故也。鄭云。榮其多也。義疏以爲存疑。蓋非正義矣。經云。皮左。卽西爲上也。敖氏謂各重累陳之。是又矯於榮其多之一語。而爲此說乎。亦未必然也。

授上介幣節。敖曰：不奠幣拜，辟奠贊之禮也。公既拜，則上介復奠于故處焉。八于已者，故不授宰也。

若有獻節，鄭云：獻不拜者，爲君之答已也。賈疏：士拜國君，國君不拜，士賤故也。大夫拜國君，國君卽答拜，大夫尊故也。玉藻云：凡獻于君，大夫使宰，士親，皆再拜稽首送之。又郊特牲云：大夫有獻，弗親，不面拜，爲君之答已。若然，大夫不親獻，此因反命，故親獻。故鄭云：獻不拜者，爲君之答已。猶不親獻之義也。

君勞之節，賈氏曰：曲禮君於士，不答拜。此君答拜士者，以其新行反命，君勞之，故答拜，異於常也。

君使宰賜使者幣節。鄭云以所陳幣賜之也。又云既拜宰以上幣授之。賈疏上文云執禮幣授上介者是執上幣不執下幣。明知宰所執授之者是上幣可知。經復云賜介介皆再拜稽首。鄭云與上介同受賜命俱拜。既拜宰亦以上幣授上介。義疏辨之曰。上文使者授上介幣則幣未授宰也。至此君使宰賜使者幣以君命賜之耳。幣仍陳于故處。非有以幣執授之事。下介幣同。愚按使者所執以告而授之宰者。賄幣也。禮玉也。禮幣也。皆使者告君上介取而授宰。至此君使宰賜之則宰一一授之于上介其宜也。即使陳于故處宰亦一一以授之。注疏之說本無可疑而謂非

有以幣執授之事。因經文不具而設此疑。似未免于太泥矣。宰或指而授。或執而授一也。

釋幣于門節。鄭云布席于闕西。闕外東面。設洗於門外東方。

乃至於禴節。賈云亦司宮設席于奧東面右几。但無牲牢薦脯醢而已。

觴酒陳節。鄭云主人酌進奠一獻也。言陳者將復有次也。賈云下有室老及士獻。故言陳。以其次第皆列于坐也。又云先薦後酌。祭禮也。賈疏特牲少牢皆然。席于阼節。敖云爲將與從者爲禮于堂也。

三獻鄭云室老亞獻士三獻也每獻奠取爵酌自酢也  
敖云主人初獻而酢于阼則亞獻三獻者皆酢于西階上  
矣

行酬乃出節敖云行酬者行酬酒也出謂主人以下亦既  
徹闔牖戶而後出也獻從者而行酬所謂飲至也楚令尹  
子重伐吳歸而飲至用此禮也國君則既飲至又或有策  
勲之事傳曰凡公行告宗廟反行飲至舍爵策勲焉禮也  
遭喪之不筵几節鄭云致命不于廟就尸柩于殯官又不  
神之義疏云殯宮自非接聘使之所左氏昭十年大夫如  
晉葬平公既葬欲見新君而叔向辭之昭二十年齊公孫

青聘于衛時衛亂賓從衛侯于死烏將事衛人辭賓再請則曰君若照臨敝邑鎮撫其社稷則有宗祧在是則聘行于廟中非喪次行事可知。

賓唯饗餼之受敖云不受饗食者則以主人有喪不宜饗已故雖致之亦不受也受饗餼則冷亦受可知。

遭喪將命于大夫節李氏如圭曰雜記大夫筮宅史練冠長衣以筮則長衣練冠以凶接吉之服也。

聘君若薨于後節賈氏曰入竟謂謁闕人告君君使士請事矣敖氏曰君薨則其國使人告使者而不反之以其行或有遠近故也未入竟則反而奔喪。

赴者未至，饋。故氏曰：奔喪禮曰：諸臣在他國爲位而哭，此哭于巷亦爲位。義疏曰：爲位而哭，猶言卽位，非謂設死者之位。

受禮不受饗食。故云：以主君若饗食已，已有君喪，自不宜往。故雖歸之，猶不受。

赴者至則衰而出。義疏云：聘不可以凶服而赴者，既至則不可以不衰。故赴者必探知正禮已行而後至焉。所以便事也。其他如問卿受夫人歸體，受大夫餼，諸事則不妨以凶服將之。雖受遺玉，亦衰。其主國之卿，仍皮弁服而授受，則皆無禘襲之節與。

唯稍受之。按周禮秋官掌客云。賓客有喪。唯芻酒之受。注云。喪謂父母死也。客則又有君焉。芻給牛馬。稍人。以厚也。其正禮殯。饗備。主人致之。則受天官漿。人云。共賓客之稍禮。本篇後記云。旬而稍畢。夫始歸乘禽。日如其饗餼之數。唯稍受之。謂不受饗食也。

子卽位不哭。對疏云。公羊傳。君存稱世子。君薨稱子某。既葬稱子。踰年稱君。敖氏云。子位在阼階上。

與介入北鄉哭。敖云。入者既復命。則出。至是乃更入。豈復命奔喪。宜異其節。奔喪云。奔喪者非主人。入門左。中庭北面哭。然則使介此時之哭。亦在西方之中庭。而西上與。



何用須言 卷八  
若有私喪節鄭云春秋傳曰大夫以君命出聞喪徐行而  
不反賈疏引宣八年公子遂如齊至黃乃復公羊譏其有  
疾乃復乃証以聞喪之禮如何休注云徐行者爲君當  
使人迫代之也敖氏曰不饗食謂主君饗食已則不往也  
其致之則斯受之是亦異于其君之喪與

私喪之歸使衆介先節鄭云其他如奔喪之禮

賓入竟而死遂也節敖云殯卽其館而殯之尸未得歸故  
權殯于此云殯則不以造朝矣愚按此與鄭說符合若賈  
氏之疏云賓不殯于館與經文異宜義疏駁之

君弔介爲主人敖云凡諸侯弔于異國之臣君爲之主此

時其君不在故介爲主人受主君之弔以此時惟介爲尊故也君弔蓋皮弁服禮皮弁錫衰今主人未喪服則君亦不錫衰又介爲主則袒免喪服記曰朋友皆在他邦袒免謂此類也凡諸侯弔主人必免

介卒復命節敖云卒殯謂旣翼乃去也大夫之喪自外歸載柩以輜車舉柩由阼階升卽適所殯所殯當作殯所士介死爲之棺斂之鄭云不具他衣物也自以時服也義疏駁云君於士有致襚之禮豈於他國士介而不具衣物者是非哀死恤喪之誼愚按經云爲之正主國君爲之具也鄭說誤矣

若賓死未將命節敖氏曰造于朝謂大門外也介將命于廟如賓禮既則歸而殯之於館愚按上文賓入竟而死節不言造朝此則賓既郊勞至朝之後俟閒行禮而未及將命乃以柩造朝止于大門外禮之宜也哀十五年左右傳陳公孫貞子使吳而卒將以尸入杜預以爲知禮朱子據儀禮之文以駁之蓋事與此文小異也

小聘曰問節敖氏曰禮亦當作醴凡受禮而設筵乃醴賓此不筵几故不醴賓愚按禮賓是禮之一節用醴是禮賓所宜言禮賓足知爲用醴不必改經文之字也放於此往往云然愚所未解

其禮如爲介三介。鄭云如爲介。如爲大聘上介。賈云三介者。大夫降于卿二等故也。

若有故則卒聘節。敖云故猶事也。有故謂有事可言者也。束帛加書。以書加于帛上也。

主人使人與客節。敖云公旣受書。客降出。公以書授宰。降立。乃使人與客讀書于廟門外。必與客讀之者。欲其審也。不於內讀之者。客降則出矣。無其節也。

有故加書之明日。君館之節。義疏云。還玉之明日。館賓館賓之明日。賓行經之次第本如此。唯有故加書。則於還玉日。多反命一事耳。記此者。嫌加書或當有稽延。未得明日。

館賚也。鄭云：既報館之書，問尙疾也。賈疏以其所報告請多是密事，故尙疾。駁者謂：若果事屬機密，豈有使人讀於門外者乎？愚按：鄭注不於內者，人稠處嚴，不得審悉門外。次中蓋人少跡密之處，可以機宜相聞者也。舊注于此亦可取矣。

使者既受行節，鄭云：日朝同位，使者與介北面，別於其處。臣也以疏謂已受命後，夕幣之前，使者及介朝時皆同位。北面東上，在朝處，臣東方，西面北上。

出祖釋輶節，義疏釋如釋奠，釋菜之釋，謂釋之於地也。云祭酒脯則無牲也。有脯則亦有醢，蓋豆遵具而偶也。生民

詩取羝以軼秋官犬人職伏瘞亦如之則有牲若羊若狗  
此無者蓋天子諸侯之禮隆也據夏官大馭職則祭右軼  
祭左軼祭軌皆馭爲之賈氏謂此使者自祭禮或然也愚  
按此條詳矣而敖氏謂釋軼者釋其所軼之物謂酒脯也  
旣釋則人爲神祭之如士虞禮佐食爲神祭黍稷庸祝祭  
酒之祭旣祭乃與同行者飲酒于其側禮畢乘車軼之而  
過也人爲神祭敖氏于虞禮發之而此復云然按釋軼之  
儀甚略或當因飲酒而祭始爲飲食則是爲已祭非爲神  
祭乃事之所宜爾

所以朝天子節孔氏穎達曰雜記藻三采六等聘禮記云

朝天子圭與纁皆九寸纁三采六等朱白蒼朱白蒼既重云朱白蒼是一采爲二等相間而爲六等也朱子曰案記只有朱白蒼三字而雜記疏所引乃重有之不知何時傳寫之誤失此三字也

問諸侯朱綠纁八寸賈疏上文公朝天子圭與纁皆九寸則自相朝圭與纁亦同九寸公遣臣相問圭與纁皆八寸則遣臣問天子圭與纁亦八寸故云互相備也

皆玄纁節鄭云采成文曰紉繫無事則以繫玉因以爲飾愚按賈氏曰纁藉尊卑不同組繫尊卑一絲以經云皆推之理當然也

辭曰非禮也。敢節。鄭云。辭辭不受也。對答問也。二者皆卒曰。敢言不敢。

卿大夫訝節。敖云。士皆有訝者。嫌其賤。不必訝。若上士則使中士訝之。中士則使下士訝之也。

又見之以其贊。賈云。掌訝職云。賓入館。次于舍門外。待事于客次。如今官府門外更衣處。待事于客。通其所求。案下節。復見之以其贊。敖云。其贊即訝之贊也。復見之以其贊。所謂還贊也。

宗人授次。節。敖曰。授次。授賓次也。設次者。掌次也。宗人則主授之耳。



賓入門皇節賈云將授志趨謂寶執玉向楹將授之時敖  
云讓謂必後主君也經云公升二等賓升是也春秋傳衛  
孫林父聘于魯公登亦登是不讓也。

授如爭承下如送節賈氏曰下如送者以上文之次言之  
謂聘享每訖君實不送而賓之敬如君送然待君迴還賓  
則退出廟門更行後事敖則讀經文云授如爭謂尙疾而  
不敢畱君承下如送謂旣授則以手承公手之下而未卽  
退恩按下如送之文太簡故經又着一句云君還而后退  
所以明如送之義也敖之曲說此條爲甚

私覲愉愉焉賈曰享時盈容舒于聘時戰色私覲愉愉又

舒于盈容也下節出如舒雁則出廟門時又舒于愉愉也  
皇且行節敖氏謂主敬鞠躬也主慎如恐失之也先言皇  
且行乃云入門主敬則與上記入門皇者異也云升堂主  
慎則又與入門而如恐失之者異也是謂異說

凡庭實隨入節敖云皮馬相關謂庭實若相繼而兩設用  
皮則宜俱用皮用馬則宜俱用馬或不能然則一節用皮  
一節用馬相關而設亦自無害故云可也

多貨則傷于德敖云貨指聘物而言聘物有常數若多用  
之則有重貨之意而傷害於德矣言此者見貨之不可多  
也

賄在聘于賄恩按書在瑤璣玉衡在猶察也言當察賓之  
賓禮而爲之斯也。

禮不拜至，敖云醴賓而不拜至，其辟朝君之禮乎？請侯相  
朝有饋禮與醴相類。

既覲賓若私獻節，鄭云：時有珍異之物，或賓奉之，所以自  
序尊敬也。爵以君命致之。

幣之所及，皆勞節。鄭云：以與賓接於君所，賓又請有事於  
已也。所不及者，下大夫未嘗使者也。不勞者，以先是賓請  
有事於已，同類。既問彼爲禮所及，則已往有嫌也。所以知  
及不及者，實請有事。固曰：某子某子。

賜齊唯羹餼餼敖云唯羹飪之文不具或脫一祭字義疏云案祭必分昭穆云若者或昭或穆祭其一也敖謂并祭祖禰而概以一尸則又何昭穆之有乎

僕爲祝節義疏云孝孫對皇孫爲稱孝子對皇考爲稱亦科用其一非兩稱之也如并祭祖禰則祝詞但稱孝孫不當并稱孝子早統于尊也周公并告大王王季文王而冊祝之詞但云元孫某可以見其例矣敖于此殊不了

假器於大夫賈氏云卑者不得用尊者之器故賓介于主國大夫假祭器而行之

盼肉及廢車賈云此謂祭訖盼胙逮下也周禮夏官有廢

人職掌養馬春官有巾車

凡獻執一雙餽即云其受之也上介受之以入告士舉其餘從之實不離拜受于庭上介執之以相拜于門中乃入授人上介受亦如之士介拜受于門外

歸大禮之日節義疏云請觀之臬或于歸大禮之日請於歸養饋之啣以進於君非于即日觀也其訝帥之交相連者記欲終其事耳

凡致禮皆用節故云春秋傳昭六年晉侯享季武子有加籩武子辭韓宣子曰寡君以爲驩也是籩豆之加與否已定于未享之先若不親饗而歸之嫌加者不致故云然義

疏云皆皆賓與上介又皆主國之公與大夫也。

凡餼大夫黍梁稷節賈疏君歸饗餼于賓與大夫介米少而管多。今大夫致禮于賓介用筐數寡而器大其禮略。宰夫獻敖云燕禴輕故君與臣燕則不親爲主而使宰夫獻所以明君臣之義也。此與他國之臣燕亦用此禮者所以別于其君也。

大夫來使節敖云無罪無失悞也。饗之親饗之也。主國君於賓有享食燕之禮。但言享者舉其盛者言之。

過則餼之。敖曰謂假道而過者則餼之也。過卽經所謂過餼卽經所謂餼之。以其禮復記于此。蒙無罪之文也。若有

不假道不禁侵掠之類是過者之罪矣。疏駁其非是。當以注疏爲正也。

其介爲介。賈云：享賓於廟之時，還以聘之上介爲介。而上介於從賓爲介之外，復別饗也。故云：饗賓君爲主人，故以賓爲賓。而上介爲介。若享上介，則上介爲賓，而無介。小聘使下大夫，其饗禮亦宜如之。蓋士介賤，不可以與主君爲禮故也。

十斗曰斛。節邢昺曰：包咸云：十六斗曰庾。數今案爲：是庾逾籩其數同也。